



XIII. EGINAREN ASTEA

INGURUMENAREN ALDEKO EKINTZEN ASTEA

ANIMA ZAITEZ ETA PARTE HARTU!

2025eko
MAIATZAK
19-25

ZER DA EGINAREN ASTEA?

EGINAREN ASTEA maiatzaren 22a barne hartzen duen astean ospatzen da, Nazioarteko Aniztasun Biologikoaren Eguna.

Ingurumenaren aldeko ekintzak sustatu nahi dituen ekimena da eta mota guztietako taldeak parte hartu dezakete: ikastetxeak, elkarteak, udal kolektiboak, familiak...

ASTE BETEKO epea ematen da ekintzak burutzeko.

NOLA PARTE HARTU EGINAREN ASTEAN?

Bidali ezazu zure ekintza laburtzen duen dokumentua aztertu@euskadi.eus helbidera, eta horrekin batera erantsi nahi dituzun elementuak: bideoak, argazkiak, aurkezpenak, etab.

Lehiaketarako oinarriak hurrengo orrialdean daude.



2024ko edizioan
aurkeztutako ekintzak
ikus itzazu



Edozein zalantzarako,
esaiguzu.



747 42 99 33



aztertu@euskadi.eus



XIII. EKINAREN ASTEA

Lehiaketaren oinarriak



HELBURUA ETA PARTE-HARTZAILEAK

Ingurumen aldeko ekintza konkretua partekatzea du helburu, adibidez: hitzaldiak, garbiketak, birziklatze kanpainak, irteerak, etab.

Parte-hartzaileak: ikastetxeak, elkarteak, udalak, familiak, enpresak edo banakako pertsonak.



DATAK

XIII. EKINAREN ASTEA 2025eko maiatzaren 19tik 25era ospatuko da. Aurkeztutako ekintza epe horren barruan burutu behar da, osorik edo partzialki.

NOLA PARTE HARTU?

EKINAREN ASTEAN parte hartzeko, nahikoa da, harremanetarako datuekin batera, egindako jardueraren laburpena honako helbide honetara bidaltzea. Argazkiak, bideoak eta memoriak erantsi ahal izango dira.

Aurkezpen datak: **2025eko maiatzaren 26tik ekainaren 20ra.**

BIDALITAKO LANEN ARGITARATZEA

Bidalitako lanak Aztertu Programaren web orrian (www.euskadi.eus/aztertu) argitaratuko dira. Parte-hartzaileei erraztutako kontaktuaren bidez jakinaraziko zaie.



SARIA

Aurkeztutako lan guztiak Eusko Jaurlaritzako eta Aztertu koordinatzen duen taldeko kideek osatutako epaimahaiak balioetsiko dituzte. Jasotako **ekintzarik esanguratsuena saritua izango da 2025eko EMANALDIA - Aztertu Sari Banaketan** (2026ko otsailean ospatuko dena).

Aurkeztutako lanak erabiltzeko baimena:

Lehiaketara aurkeztutako lanak Euskal Autonomia Erkidegoko Administrazioaren esku geratuko dira, eta lan horien kopiak egiteko eta zabaltzeko baimena izango du, baita egoki deritzon komunikazio publikoko sistemaren bidez eta egoki deritzon helburuarekin lanak ezagutarazteko baimena ere. Euskal Autonomia Erkidegoko Administrazioak eskuratzen dituen baimen horien iraupena 6 urtekoa izango da eta nonahi gauzatu ahal izango ditu. Hala, esaterako, AZTERTU programaren aurtengo edizioan nahiz hurrengoetan sor litekeen edozein materialetan (apaingarri edo osagarri) erabili ahal izango ditu lanak, baita ezagutzera eman AZTERTU programaren web gunean ere. Bestalde, parte-hartzaileen irudia modu berdinean erabili ahal izango du Euskal Autonomia Erkidegoko Administrazioak. Lehiaketara lanak aurkeztu dituztenek, ordea, ez dute EAEko Administrazioak egin ditzakeen erabilera horiengatik guztiengatik diru-saririk jasotzeko eskubiderik izango.

Legeko oharra:

Abenduaren 13ko 15/1999 Lege Organikoak, Datu Pertsonalak Babestekoak, ezarritakoari jarraiki, honako hau jakinarazi nahi dizugu: Ekinaren Astea lehiaketara aurkeztu duzun lana saridun baldin bada, zure datu pertsonalak fitxategi automatizatu batean gordeko dira.

Fitxategi horretan gordetako datuak helburu hauetarako baino ez dira erabiliko:

-Zure lanak saria jasoko duela jakinarazteko.

-Sariak banatzeko ekitaldira zu gonbidatu ahal izateko.

-Dagokizun saria eman ahal izateko.

-Zure lana Aztertu aldizkarian lan sarituen bilduman argitaratzen dugunean, nork eginga den adierazi ahal izateko; beti ere zuk datu horiek azaltzearen aurkako adierazpenik egiten ez baduzu.

Fitxategiaren arduraduna Ekonomiaren Garapen, Jasangarritasun eta Ingurumen Saileko Ondare eta Klima Aldaketaren zuzendaria da.

Datuak eskuratzeko, zuzentzeko, deuseztatzeko eta fitxategian agertzearen aurka egiteko eskubidea gauzatu nahi izanez gero, Sail horretako Zerbitzu Zuzendaritzara jo dezakezu: Donostia-San Sebastián, 1 - 2. solairua, 01010 Vitoria-Gasteiz.